

V.- Shënime Mbi Pasqyrat Financiare

1- Informacion i përgjithshëm

Shoqëria "INFO TELECOM " SHPK është themeluar ne date 24.11.2009 dhe është regjistruar në QKB më datën 02.12.2009.

Selia e Shoqërisë ndodhet në Rr.Faik Konica Nr.1, Pallati i Kuq, Tirane

NIPT-i i Shoqërisë është K92402002P

Përfaqesuesi ligjor i i shoqërisë është Zj. **ADA MUÇA OSMANAJ**

Objekti i veprimtarise se kësaj shoqërie është ofrimi i sherbimeve dhe çdo aktivitet ne fushen e telekomunikacionit te percaktuara ne legjislacionin perkates shqiptar; perfaqesimi i shoqerive te ndryshme te huaja ne territorin shqiptar; perfshirja dhe ofrimi i perzgjedhjeve per tendera apo kompani me natyre telekomunikacioni, shkollime per te interesuarit me ose pa eksperience ne fushen e teknologjise se avancuar; Aktivitete import eksporti te makinerive e pajisjeve te fushes se telekomunikacionit; Import-eksport per mallra te ndryshme etj; Studim, projektim, zbatim, prodhim dhe tregtim i energjise elektrike nga burime hidro, gaz natyror, qymyr si dhe nga burime alternative si parqet e erez, sistemet fotovoltaike, termocentralet, biomasat etj; Aktivitete ne blerjen, shitjen, qiradhenien e zyrave, ambienteve tregtare dhe/ose pasurive te tjera te paluajtshme; Çdo aktivitet tjeter te lejuar nga ligji.

Veprimtaria e Shoqerise rregullohet me Ligjin Nr.79901 date 14.04.2008 "Per tregtaret dhe shoqerite tregtare", i ndryshuar.

Kapitali i Regjistruar i shoqerise me 31.12.2022 është 1,200,000,000 lekë i perbere nga 1 kuotë dhe zotërohet tërësisht nga Ortaku i Vetëm shoqeria Gjonaj Group Holdings SHPK me **NIPT: M22010013H**

Numëri i të punësuarve më 31.12.2022 është 47 punonjes, nga 47 punonjës që ishin në vitin 2021

Drejtimi i shoqerise realizohet nga **Zj. ADA MUÇA OSMANAJ**, Administratore.

2.- Aplikimi i Standardeve Ndërkombëtare të Raportimit Financiar të reja dhe të rishikuara (SNRF)

2.1- Standardet dhe interpretimet efektive ne periudhen aktuale

Ndryshimet në standardet ekzistuese dhe interpretimi i ri i lëshuar nga Bordi i Standardeve Ndërkombëtare të Kontabilitetit (BSNK), janë në fuqi për periudhën raportuese:

- **Ndryshime në SNK 7 “Pasqyra e Levizjes së Parasë”**- Iniciativa e informacioneve shpjeguese (efektive per periudhat vjetore duke filluar në ose pas datës 1 Janar 2019),
- **Ndryshime në SNK 12 “Tatimi mbi të Ardhurat”** – Njohja e aktiveve tatimore të shtyra për humbjet e porealizuara (efektive per periudhat vjetore duke filluar në ose pas datës 1 Janar 2019),
- **Ndryshime në SNRF 12 si pasojë e “Përmirësimeve të SNRF-ve (cikli 2014-2018)”** rezultuar nga projekti i përmirësimit vjetor të SNRF (SNRF 1, SNRF 2, dhe SNK 28) kryesisht me një pikëpamje per të eliminuar mospërputhjet dhe per të qartësuar formulimin (ndryshimet mbi SNRF 12 do të jenë të aplikueshme per periudhat vjetore duke filluar në ose pas datës 1 Janar 2019)

Miratimi i këtyre ndryshimeve në standardet ekzistuese nuk ka çuar në ndonjë ndryshim material në pasqyrat financiare të Shoqërisë.

2.2- Standardet dhe interpretimet e emetuara por ende të pa përvetësuar

Në datën e publikimit të këtyre pasqyrave financiare, standardet e reja të mëposhtme, ndryshimet në standardet ekzistuese dhe interpretimi i ri ishin publikuar, por ende jo efektive:

- **SNRF 9 "Instrumentet financiare",**
- **SNRF 15 "Të ardhurat nga kontratat me klientët"** dhe ndryshime të mëtejshme,
- **SNRF 16 "Qiratë,**
- **Ndryshimet në SNRF 4 "Kontratat e sigurimit" ,**
- **Ndryshimet në SNRF 9 “Instrumentat Financiarë”** – Veçoritë e Parapagimit me Kompensim Negativ (efektiv më ose pas datës 1 Janar 2019),
- **Ndryshimet në SNRF 10 "Pasqyrat Financiare të Konsoliduara" dhe SNK 28 "Investimet në pjesëmarrje dhe sipërmarrjet e përbashkëta"** - Shitja apo Kontributi i aseteve mes një Investitori dhe bashkëpunëtorëve të tij, ose sipërmarrje të përbashkëta dhe ndryshimeve të mëtejshme,
- **Ndryshimet në SNK 28 "Investimet në pjesëmarrje dhe sipërmarrjet e përbashkëta"-** interesa afatgjatë në Pjesëmarrje dhe Ndërmarrje të Përbashkëta (efektiv pas datës 1 Janar 2019),
- **Ndryshimet në SNK 40 "Aktivet Materiale Afatgjata të Investuara"** - Transferimet e aktiveve materiale afatgjata te investuara
- **Ndryshime në SNRF 1 dhe SNK 28 si pasojë e “Përmirësimeve të SNRF-ve**
- **Ndryshimet në standardet e ndryshme "Përmirësimet në SNRF-të (cikli 2015-2019)"**
- **KIRFN 22 "Transaksionet valutë dhe Konsiderata për avancat"**
- **KIRFN 23 “Pasiguria mbi Trajtimin e Tatimit mbi të Ardhurat”**

Shoqëria ka zgjedhur të mos aplikojë këto standarde të reja dhe ndryshime në standardet ekzistuese përpara datës kur në këtë shoqëri filloi zbatimin e SNRF (01.01.2019). Shoqëria parashikon që adoptimi i këtyre standardeve dhe ndryshimet në standardet ekzistuese nuk do të kenë ndikim material në pasqyrat financiare të Shoqërisë.

3.- Bazat e përgatitjes së pasqyrave Financiare

Pasqyrat financiare janë përgatitur në përputhje me Standartet Ndërkombëtare të Raportimit Financiar (SNRF) të publikuara nga Bordi i Standarteve Ndërkombëtare të Kontabilitetit ("IASB") dhe interpretimeve të publikuara nga Komiteti i Interpretimeve të Raportimeve Financiare Ndërkombëtare ("IFRIC") të IASB.

Pasqyrat financiare janë përgatitur duke përdorur bazat e vlerësimit të specifikuar nga SNRF për çdo klasë të aktiveve, detyrimeve, të ardhurave gjithpërfshirëse. Bazat e matjes përshkruhen në detaje në politikat kontabël të më poshtme.

Përgatitja e pasqyrave financiare në përputhje me SNRF kërkon përdorimin e disa çmuarjeve kritike kontabël. Gjithashtu kjo kërkon që drejtimi të përdorë gjykimin e tij në procesin e përdorimit të politikave kontabël të Shoqërisë. Fushat që përfshijnë një nivel të lartë gjykimi apo kompleksiteti ose fushat ku supozimet dhe çmuarjet janë të rëndësishme për pasqyrat financiare paraqiten në shënimet përkatësisht. 0 Pasqyrat financiare janë përgatitur për vitin e mbyllur më 31 Dhjetor 2022.

Të dhënat aktuale në këto pasqyra financiare janë të shprehura në Lek.

3,1.- Deklarata e pajtueshmërisë

Pasqyrat financiare janë përgatitur në përputhje me Standardet Ndërkombëtare të Raportimit Financiar (SNRF).

3,2.- Biznesi në vijimësi

Pasqyrat financiare të Shoqërisë përgatiten mbi supozimin e biznesit në vijimësi, i cili merr parasysh se Shoqëria do të vazhdojë ekzistencën e aktivitetit të saj për një të ardhme të parashikuar.

3,3.- Krahasueshmëria

Informacioni krahasues paraqitet në mënyrë të vazhdueshme, duke aplikuar politikat kontabël të Shoqërisë dhe duke u bazuar në modelin e pasqyrave financiare sipas Standarteve Ndërkombëtare të Raportimit Financiar.

3,4.- Monedha funksionale dhe e paraqitjes

Këto pasqyra financiare janë prezantuar në Lek Shqiptar ("Lek"), e cila është monedha funksionale e Shoqërisë.

3,5.- Vlerësime dhe gjykime

Paraqitja e pasqyrave financiare kërkon që manaxhimit të shoqërisë të kryejë vlerësime dhe supozime që ndikojnë shumat e raportuara të aktiveve, detyrimeve dhe aktiveve e detyrimeve të kushtëzuara në datën e pasqyrës së pozicionit financiar, si dhe të ardhurave dhe shpenzimeve të krijuara në periudhën kontabël. Vlerësimet dhe gjykimet rishikohen vazhdimisht dhe bazohen në eksperiencën e mëparshme dhe faktorë të tjerë duke përfshirë pritshmëritë për ngjarjet e ardhshme të cilat besohen të jenë të arsyeshme në rrethanat aktuale. Në disa raste manaxhimi mbështetet në mendimet e ekspertëve të pavarur. Manaxhimi kryen

vlerësime dhe gjykime në lidhje me të ardhmen. Vlerësimet kontabël që rezultojnë sipas përkufizimit, jo gjithmonë do të barazohen me rezultatet aktuale. Vlerësimet dhe supozimet që kanë risk të rëndësishëm për

të shkaktuar korrigjime (axhustime) materiale, të vlerave të mbartura të aktiveve dhe detyrimeve janë përshkruar më poshtë:

3.5.1 Zhvlerësimi i llogarive të arkëtueshme

Zhvlerësimi i llogarive të arkëtueshme bazohet në humbjet e vlerësuara të cilat rezultojnë nga pa mundësia e konsumatorëve për të paguar detyrimet e tyre. Këto vlerësime bazohen në moshën e llogarive të arkëtueshme dhe eksperiencën e mëparshme në çregjistrimin, vlerësimin e aftësisë paguese të konsumatorëve, si dhe ndryshimet e fundit dhe të pritshme të termave të pagesës së konsumatorëve. Manaxhimi vlerëson në fund të çdo periudhe në rast se ka nevojë për zhvlerësimin e llogarive të arkëtueshme.

3.5.2 Provizionet

Provizionet në përgjithësi kërkojnë një nivel të lartë gjykimi, veçanërisht në rastet e konflikteve gjyqësore. Shoqëria vlerëson mundësinë e krijimit të një detyrimi aktual si rrjedhojë e një ngjarje të shkuar, në rast se mundësia e ndodhjes vlerësohet të jetë më shumë se 50% , në të tilla raste shoqëria provizionon vlerën e detyrimit e cila mund të matet me besueshmëri. Për shkak të nivelit të lartë të pasigurisë, në disa raste mund të ndodhë që vlerësimi mund të mos jetë në të njëjtën linjë me rezultatin e çështjes. Manaxhimi vlerëson në fund të çdo periudhe në rast se ka nevojë për krijimin e provizioneve.

3.5.3 Zhvlerësimi i inventarëve

Shoqëria vlerëson gjëndjet e inventarit në qarkullim të ulët dhe në inventarin i cili ka humbur vlerën e përdorimit për shkak të zhvillimeve teknologjike apo arsyeve të tjera, me synim për të përcaktuar masën e zhvlerësimit të inventarit, bazuar në përdorimin e ardhshëm të tij dhe në llogaritjen e vlerës neto të realizueshme. Në rastet ku vlera neto e realizueshme është më e ulët se vlera kontabël neto , ekziston një tregues që inventari është zhvlerësuar. Shoqëria përdor gjykimin e saj (çmuarjen)për të përcaktuar masën e zhvlerësimit.

4.-Politikat Kontabël

Politikat kontabël të mëposhtme janë aplikuar në mënyrë konsistente në të gjitha periudhat e paraqitura në pasqyrat financiare.

4.1 Transaksionet në monedhë të huaj

Transaksionet në monedhë të huaj konvertohen në monedhën funksionale dhe regjistrohen me kursin e këmbimit në datën e transaksionit. Aktivitetet dhe detyrimet monetare në monedhë të huaj në datën e raportimit konvertohen në monedhën funksionale me kursin e këmbimit në datën e pasqyrave financiare. Fitimi ose humbja nga këmbimi në zëra monetarë është diferenca që vjen nga këmbimi i një numri të caktuar njësisish të një monedhe të huaj në monedhën funksionale me kurse të ndryshme këmbimi në datat e këmbimit. Të drejtat dhe detyrimet jo-monetare në monedhë të huaj konvertohen në monedhën funksionale me kursin e këmbimit të datës së kryerjes së transaksionit ndërsa ato që maten me vlerë të drejtë rikëmbehen në monedhën funksionale me kursin e këmbimit të datës kur është përcaktuar vlera e drejtë. Diferencat që rezultojnë nga kursi i këmbimit kalojnë në pasqyrën e të ardhurave dhe shpenzimeve.

Kursi i këmbimit i monedhave të huaja më 31.12.2022 dhe më 31.12.2021 është detajuar si më poshtë:

	<u>31.12.2022</u>	<u>31.12.2021</u>
- EURO/LEK.....	114.23	120.76
- USD/LEK.....	107.05	106.54

4.2 - Instrumentat financiarë

Instrumentat financiarë jo-derivativë përbëhen nga llogari të arkëtueshme, mjete monetare, hua të marra dhe të dhëna dhe llogari të pagueshme.

Instrumentat financiarë jo-derivativë njihen fillimisht me vlerën e drejtë plus çdo kosto transaksioni që lidhet me to, përveç siç përshkruhet më poshtë. Për instrumentat e mbajtur me vlerë të drejtë nëpërmjet fitim/humbjes, kostot e transaksionit kalojnë në pasqyrën e të ardhurave dhe shpenzimeve. Në vijim të njohjes fillestare instrumentat financiarë jo-derivativë maten siç përshkruhet më poshtë.

Një instrument financiar njihet nëse Shoqëria bëhet palë në kushtet kontraktuale të instrumentit. Aktivitet financiarë çregjistrohen kur skadojnë të drejtat kontraktuale të shoqërisë mbi flukset e parasë së aktivitetit financiar ose kur shoqëria transferon aktivin financiar tek një palë e tretë pa mbajtur kontrollin ose gjithë risqet dhe përfitimet thelbësore të aktivitetit. Blerjet dhe shitjet normale të aktiveve financiare kontabilizohen në datën e transaksionit, që është data në të cilën shoqëria angazhohet të blejë apo të shesë aktivin. Detyrimet financiare çregjistrohen nëse detyrimet kontraktuale të shoqërisë skadojnë, shfuqizohen ose anulohen.

Mjetet monetare

Mjetet monetare përfshijnë arkën, llogaritë rrjedhëse dhe depozitat në të parë me bankat. Për qëllimin e pasqyrës së fluksit të parasë, mjetet monetare përfshijnë depozita me afat me një maturim prej tre muajsh ose më pak që nga data e fillimit.

Llogari të arkëtueshme

Llogaritë e arkëtueshme njihen fillimisht me vlerën e drejtë dhe më pas me kosto të amortizuar duke zbritur humbjen nga zhvlerësimi. Provizionit për zhvlerësimin e aktiveve të arkëtueshme llogaritet kur ka të dhëna se shoqëria nuk do të jetë në gjendje të mbledhë të gjitha detyrimet. Vështirësitë financiare të debitorit, mundësia që debitori të falimentojë ose riorganizimi i tij financiar konsiderohen tregues që llogaritë e arkëtueshme të zhvlerësohen. Shuma e provizionit llogaritet si diferencë midis vlerës së mbetur dhe vlerës aktuale të flukseve të ardhshme të parashikuara të parasë të skontuara me normën efektive të interesit.

Llogari të pagueshme

Llogaritë e pagueshme paraqiten me vlerën e tyre të drejtë dhe më pas me kosto të amortizuar, duke përdorur metodën e interesit efektiv.

Për llogaritë e pagueshme, të papaguara dhe të pakërkuara për më shumë se pesë vjet, për të cilat shoqëria, bazuar në të dhënat dhe komunikimin me palën tjetër nuk ka ndonjë pritshmësi për shlyerjen e këtyre detyrimeve, gjykon se detyrimet e mësipërme nuk duhen njohur si të tilla por i njeh si të ardhura të vitit kur bëhet fshirja e tyre.

Hua të marra dhe të dhëna

Huatë e marra dhe të dhëna njihen fillimisht dhe mbahen në vazhdim me vlerën e tregut, pa përfshirë koston e transaksioneve. Pas njohjes fillestare, huatë e marra dhe të dhëna paraqiten me kosto të amortizuar duke njohur në pasqyrën e të ardhurave dhe shpenzimeve çdo diferencë midis koston dhe vlerës së pagueshme nominale përgjatë periudhës së huamarrjes duke u bazuar (si rregull) në interesin efektiv. Interesat e njohura në pasqyrën e të ardhurave dhe shpenzimeve janë përlllogaritur mbi bazën e interesit nominal.

Vlera e drejtë

Vlerat e drejta të përlllogaritura të mjeteve monetare dhe ekuivalentëve të tyre, të kërkesave për t'u arkëtuar, detyrimeve për t'u paguar dhe huave, përafrohen me vlerat e tyre kontabël.

Të tjera

Instrumenta të tjerë jo-derivativë maten me kosto të amortizuar sipas metodës së interesit efektiv, duke zbritur çdo humbje nga zhvlerësimi.

Zhvlerësimi i aktiveve financiare

Një aktiv financiar konsiderohet që ka pësuar një rënie në vlerë nëse ka evidencë objektive që tregon se një ose disa ngjarje kanë pasur efekt negative mbi flukset e ardhshme monetare të këtij aktivi.

Një zhvlerësim në lidhje me aktivin financiar, të matur me kosto të amortizuar, llogaritet si diferencë mes vlerës së tij kontabël dhe vlerës aktuale të flukseve monetare të ardhshme të skontuara me normën origjinale efektive të interesit.

Aktivitet financiar të rëndësishme testohen për rënie në vlerë mbi baza individuale. Aktivitet financiar të mbetura vlerësohen në grupe që ndajnë karakteristika të ngjashme në lidhje me rreziqet kredituese.

Të gjitha humbjet nga rënia në vlerë njihen në pasqyrën e të ardhurave dhe shpenzimeve.

Një humbje nga rënia në vlerë rimerret nëse rimarrja mund të lidhet në mënyrë objektive me një ngjarje që ndodh pasi humbja është njohur. Për aktivitet financiar të matura me kosto të amortizuar rimarrja njihet në pasqyrën e të ardhurave dhe shpenzimeve.

Kapitali aksionar

Kapitali aksionar njihet me vlerën nominale të aksioneve

4.3 -Inventarët

Inventarët regjistrohen në kontabilitet me metoden e koston mesatare. Kosto e marrjes përfshin të gjitha shpenzimet e kryera për ta sjellë inventarin në vendin dhe kushtet ekzistuese. Kosto e inventarit llogaritet duke përdorur koston e tyre historike dhe përfshirjen e të gjitha shpenzimet e kryera për ta sjellë inventarin në vendin dhe kushtet ekzistuese.

Gjendjet e inventarit janë të vlerësuara në bilanc me koston e tyre historike dhe janë inventarizuar në datën 31.12.2021.

4.4 -Aktive afatgjata materiale

a,-Njohja dhe matja

Të gjitha aktivitet afatgjata materiale paraqiten me kosto duke zbritur zhvlerësimin(+/-) dhe amortizimin e akumuluar.

Kostoja përfshin shpenzime të cilat lidhen drejtpërdrejt me blerjen e aktivitet. Kostoja e aktiveve të vetë-ndërtuara përfshin koston e materialeve dhe punës direkte, çdo kosto tjetër të lidhur drejtpërdrejt me sjelljen e aktivitet në gjendje pune për qëllimin e synuar të përdorimit, si dhe kostot e çmontimit, heqjes së pjesëve dhe sjelljes në gjendjen e mëparshme të vendndodhjes së aktivitet. Programi i blerës që është pjesë përbërëse në funksion të një paisjeje është kontabilizuar si pjesë e paisjes

Shpenzimet kapitale të aktiveve të bëra gjatë ndërtimit kapitalizohen në "Ndërtim në proces" dhe transferohen në kategorinë përkatëse të aktivitet kur përfundon ndërtimi tij, nga kur aplikohet amortizimi përkatës sipas kategorisë.

Në rastet kur pjesë të një aktivitet afatgjatë material kanë jetëgjatësi të ndryshme, ato kontabilizohen si zëra të ndryshëm (komponentët më të mëdhenj) të aktiveve afatgjata materiale.

Fitimet dhe humbjet nga shitjet, apo nxjerrjet jashtë përdorimit përcaktohen duke krahasuar vlerën e shitjes me vlerën e mbetur dhe këto përfshihen në pasqyrën e të ardhurave dhe shpenzimeve.

b.-Kostot e mëpasshme

Kostoja e zëvendësimit të një pjese të një zëri të aktiveve afatgjata materiale njihet në vlerën kontabël të atij zëri nëse është e mundshme që shoqëria do të realizojë përfitime të ardhshme ekonomike nga përdorimi i pjesës zëvendësuese dhe kostoja e pjesës mund të matet në mënyrë të besueshme. Kostot e shërbimeve të zakonshme të aktiveve afatgjata materiale njihen si shpenzim kur ato ndodhin.

c.-Amortizimi

Amortizimi i aktiveve Afatgjatë Materiale (AAM) llogaritet **mbi vleften e mbetur** sipas jetës së vlerësuar të çdo pjese të aktivitetit afatgjatë material duke filluar nga dita e parë e muajit që pason muajin e blerjes, Jetëgjatësia e vlerësuar për vitin 2021 dhe 2020 është si më poshtë:

Kategoria e aktiveve	Metoda e Amortizimit	Norma e Amortizimi
-Toka	*	*
-Ndërtesa	Vlefta e mbetur	5 %
-Makineri dhe Pajisje	Vlefta e mbetur	20 %
-Mjete transporti	Vlefta e mbetur	20 %
- Pajisje zyre	Vlefta e mbetur	20 %
-Pajisje informatike	Vlefta e mbetur	25 %

Vlera e mbartur e aktiveve afatgjata materiale rishikohet për zhvlerësim kur ngjarje apo ndryshime në rrethanat që tregojnë se vlera kontabël mund të mos jetë e rikuperueshme. Nëse ekziston ndonjë tregues i tillë kur vlera kontabile tejkalon vlerën e rikuperueshme të vlerësuar, aktivet paraqiten me vlerën e tyre të rikuperueshme, e cila është më e larta mes vlerës së tyre të drejtë minus kostot për shitje dhe vlerës së tyre në përdorim. Amortizimi nuk aplikohet për tokën dhe punimet në proces që nuk janë në funksionim.

ç.-Çregjistrimi

Një zë i aktiveve afatgjata materiale çregjistrohet kur ai nxirret jashtë përdorimit apo atëherë kur nuk priten më përfitime ekonomike të ardhshme nga përdorimi apo nxjerrja e tij jashtë përdorimit. Fitimet dhe humbjet në rastin e nxjerrjes jashtë përdorimit të aktiveve afatgjata materiale, përcaktohen sipas shumës së tyre të mbetur dhe merren parasysh në nxjerrjen e rezultatit operativ të vitit.

4.5-Aktivet afatgjatë jo-materiale

Një aktiv jo-material njihet nëqoftëse :

Është e mundshme që përfitime e pritshme ekonomike në të ardhmen të cilat i atribuohen atij aktiviteti do të rrjedhin tek njësi ekonomike, dhe kosto e aktivitetit mund të matet me besueshmeri.

Njësi ekonomike vlerëson mundësinë e përfitimeve të pritshme ekonomike duke përdorur supozime të arsyeshme dhe të mbështetura që përfaqësojnë vlerësimin më të mirë të drejtimit të kompletit të kushteve ekonomike që do të ekzistojnë gjatë jetës së dobishme të aktivitetit.

Aktivet afatgjatë jo-materiale njihen fillimisht me Koston me koston historike të tyre. Mbas njohjes fillestare një aktiv jo-material mbartet me koston e tij minus amortizimin e akumuluar dhe çdo humbje të akumuluar nga zhvlerësimi.

Amortizimi i aktive jo-materiale llogaritet në mënyrë lineare me 15 % mbi koston historike

4.6-Aktivet jo-financiare

Vlera kontabël e aktiveve jo-financiare të shoqërisë, përveç inventarit dhe tatimit të shtyrë, janë rishikuar në datën e raportimit për të përcaktuar nëse ka ndonjë tregues për rënie në vlerë. Nëse një tregues i tillë ekziston atëherë matet vlera e rikuperueshme e aktivit. Një humbje nga rënia në vlerë njihet nëse vlera kontabël është më e madhe sesa vlera e rikuperueshme. Humbjet nga rënia në vlerë njihen në pasqyrën e të ardhurave dhe shpenzimeve.

Shuma e rikuperueshme e një aktivi është vlera më e madhe mes vlerës në përdorim dhe vlerës së tregut minus kostot e shitjes. Në vlerësimin e vlerës në përdorim, flukset e ardhshme monetare skontohen me një normë skontimi para tatimi që reflekton vlerësimet aktuale të tregut të vlerës në kohë të parasë dhe rreziqet specifike që lidhen me aktivin.

Humbjet nga rënia në vlerë të njohura në periudha të mëparshme vlerësohen në çdo datë raportimi për ndonjë tregues rreth zvogëlimit ose eliminimit të humbjes. Një humbje nga rënia në vlerë rikthehet nëse ka pasur një ndryshim në treguesit e përdorur për të përcaktuar vlerën e rikuperueshme. Një humbje nga rënia në vlerë rimerret vetëm në masën në të cilën vlera kontabël e aktivit nuk e kalon vlerën e aktivit që duhej të përcaktohej, neto nga amortizimi dhe zhvlerësimi, nëse asnjë humbje nga rënia në vlerë nuk do të ishte njohur.

4.7- Kosto e huamarrjes

Kostot e huave të lidhura direkt me blerjen, ndërtimin ose prodhimin e aktiveve, të cilat duan një kohë të gjatë për t'u sjellë në formë përfundimtare, në mënyrë që të përdoren apo shiten, i shtohen kostos së këtyre aktiveve. Kostot e huamarrjes kanë të bëjmë me interesin dhe kosto të tjera që janë bërë nga një shoqëri në lidhje me marrjen e fondeve

Të gjitha kostot e tjera njihen si të ardhura ose shpenzime në periudhën kur ato kanë ndodhur.

4.8- Të ardhurat

Të ardhurat njihen atëherë kur është e mundshme që njësi ekonomike do të ketë përfitime ekonomike në të ardhmen dhe këto përfitime mund të maten me besueshmëri. Të ardhurat maten me vlerën e drejtë të arkëtuar ose të arkëtueshme që merr parasysh shumën e çfarëdo zbritje tregtare, zbritjet për shlyerje të menjëhershme dhe zbritjet e bëra për sasi (vëllim) të blerë.

4.9-Të ardhurat e tjera të shfrytëzimit

Të ardhurat e tjera të shfrytëzimit paraqesin të ardhurat që përfitohen jo rregullisht gjatë rrjedhës normale të veprimtarisë ekonomike duke përfshirë, fitim/humbjet nga shitja e aktiveve afatgjata materiale dhe jomateriale, fitim/humbjet nga rivlerësimet e aktiveve afatgjate të investuara dhe fitim/humbjet që vijnë nga ndryshimi i kursit të këmbimit përveç diferencave të këmbimit që lidhen me veprimtaritë financiare dhe investuese.

4.10-Qirate

Qiramarrjet klasifikohen si financiare ose operative që në fillimin e qirasë. Qiratë financiare njihen si aktive dhe detyrime financiare në shkallën më të ulët të vlerës së drejtë të aktivit dhe vlerës aktuale të minimumit të pagesave të qirasë në datën e blerjes. Kostot financiare regjistrohen në pasqyrën e të ardhurave ose shpenzimeve në termin e qirasë me normat e zbatueshme të interesit mbi balancën e mbetur të detyrimeve. Pagesat e bëra për qiratë operative njihen në të ardhura ose në shpenzime në mënyrën lineare gjatë afatit të gjatë.

Shoqëria ka vetëm qira operative

4.11-Të ardhurat dhe shpenzimet financiare

Të ardhurat financiare përfshijnë të ardhura interesi nga llogaritë bankare dhe fitime nga kursi i këmbimit që njihen në pasqyrën e të ardhurave dhe shpenzimeve. Të ardhurat nga interesi njihen mbi bazën e të drejtave të konstatuara duke përdorur metodën e interesit efektiv.

Shpenzimet financiare përfshijnë shpenzime interesi mbi huamarrjet dhe humbjet nga kursi i këmbimit, ndryshimet në vlerën e drejtë të aktiveve financiare të mbajtura me vlerë të drejtë nëpërmjet llogarisë fitim/humbje dhe humbjet nga zhvlerësimi i aktiveve financiare. Kostot e huamarrjes njihen në pasqyrën e të ardhurave dhe shpenzimeve me metodën e interesit efektiv.

4.12-Tatimi mbi fitimin

Tatim fitimi njihet në pasqyrën e të ardhurave dhe shpenzimeve përveç rasteve kur lidhet me zëra që njihen direkt në kapital, rast në të cilin edhe tatimi njihet në kapital.

Tatimi aktual është tatimi i pritur për t'u paguar mbi fitimin e tatueshem të vitit, duke aplikuar normat tatimore në fuqi në datën e bilancit, si dhe çfarëdolloj rregullimi kontabël të tatimit për t'u paguar në lidhje me vitet e mëparshme. Norma e tatimit mbi fitimin për vitin 2021 është 15% (2019: 15%).

Tatim fitimi i shtyrë përfaqëson diferencën e tatimit mbi fitimit të pagueshëm (apo të rikuperueshëm) në periudhat e ardhshme, i cili përlllogaritet për të evidentuar diferencat e përkohshme që krijohen për shkak të aplikimit të parimeve kontabël të ndryshme nga ato tatimore. Tatimi i shtyrë njihet sipas metodës së detyrimeve të bilancit, duke aplikuar normën tatimore në fuqi mbi diferencën ndërmjet aktiveve dhe detyrimeve për qëllime të raportimit financiar dhe vlerave të këtyre aktiveve dhe detyrimeve për qëllime tatimore.

Gjendjet e shtyra tatimore maten me normat tatimore në fuqi ose që konsiderohen në fuqi në fund të periudhës së raportimit, të cilat pritet të zbatohen për periudhën kur diferencat e përkohshme do të anulohen ose humbja tatimore e mbartur do të shfrytëzohet.

Aktivitet tatimore të shtyra për diferencat e përkohshme të zbritshme regjistrohen deri në atë masë që është e mundur që fitimi i tatueshëm në të ardhmen të mund të përdoret për zbritjet në fjalë.

Shoqëria nuk ka tatim fitimi të shtyrë.

4.13-Përfitimet e punonjësve

Fondet e sigurimeve shoqërore, pensionale dhe të shëndetit

Sipas legjislacionit shqiptar në fuqi shoqëria është e detyruar të kryejë kontribute fikse për llogari të punonjësve në një fond të administruar nga qeveria. Të gjitha këto pagesa/detyrime njihen si shpenzim në periudhën të cilës i përkasin.

Përfitimet në përfundim të marrëdhënieve të punës

-Shoqëria nuk ka kontrata kolektive me punonjësit

4.14-Transaksionet me palët e lidhura

Palët e lidhura përcaktohen kur një palë kontrollohet nga pala tjetër, ose ka ndikim të rëndësishëm në vendimet e biznesit apo vendimet financiare të palës tjetër. Për qëllime të paraqitjes së pasqyrave financiare, drejtimi i shoqërisë dhe manaxhimi konsiderohen si palë të lidhura.

4.15-Provizionet

Një provizion njihet nëse, si rezultat i një ngjarjeje të shkuar, Shoqëria ka një detyrim ligjor apo konstruktiv, i cili mund të vlerësohet në mënyrë të besueshme dhe do të kërkojë në të ardhmen flukse dalëse parash për shlyerjen e tij. Provizionet përcaktohen duke skontuar flukset e pritshme të ardhshme të parasë me një normë skontimi para tatimit që pasqyron vlerësimet aktuale të tregut për vlerën në kohë të parasë dhe për

risqet që lidhen me detyrimin në fjalë. Provizionet rishikohen në çdo datë raportimi dhe nëse nuk ka më gjasa për daljen e ndonjë fluksi parash për shlyerjen e detyrimit, provizionet rimerren.

4.16-Aktivet dhe detyrimet e kushtëzuara

Detyrimet e kushtëzuara nuk njihen në pasqyrat financiare. Ato paraqiten në shënime të pasqyrave financiare për sa kohë që mundësia për një dalje të burimeve që përfshijnë përfitime ekonomike është e largët. Një aktiv i kushtëzuar nuk paraqitet në pasqyrat financiare por paraqitet në shënime për sa kohë ekziston mundësia e hyrjes së përfitimeve ekonomike. Shuma e humbjeve të kushtëzuara njihet si provizion, nëse është e mundshme që ngjarjet e ardhshme të konfirmojnë që një detyrim ka lindur në datën e pozicionit financiar dhe mund të bëhet një vlerësim i arsyeshëm i shumës së humbjes.

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

5 -Aktivet Afatgjata

5.1-Aktivet Afatgjata Materiale

Pasqyra e lëvizjes së AAM paraqitet si vijon:

Për Instalime ne Ndertese, Makineri e paisje, Mjetet e transportit, Pajisje Informatike, Pajisje zyre amortizimi llogaritet sipas normave fiskale.

	Ndertesa &Instalime ne Ndertese	Makineri dhe Pajisje	Mjete Transporti	Pajisje Informatike	Pajisje zyre	Asete te mbajtura per shitje	Total
Vlera Bruto a AAM me 31 dhjetor 2021	799 147 036	12 423 870	17 520 258	17 457 335	12 607 983		859 156 482
Shtesa gjate 2022	25 143 842	2 404 828	30 632 665	1 067 087	22 560 237	442 306	82 250 965
Pakesime gjate 2022			(12 039 998)			442 306	(12 482 305)
Vlera Bruto a AAM me 31 dhjetor 2022	824 290 878	14 828 699	36 112 924	18 524 422	35 168 220		928 925 142
Amortizimi I Akumuluar 31 Dhjetor 2021	16 810 292	6 372 230	8 488 863	11 828 214	6 218 386		49 717 984
Pakesime			8 647 480				8 647 480
Amortizimi I Vitit 2022	39 597 410	1 396 371	1 646 758	1 488 741	2 831 426		46 960 706
Amortizimi I Akumuluar 31 Dhjetor 2022	56 407 702	7 768 600	1 488 141	13 316 954	9 049 812		88 031 210
Vlera Neto e AAM 2021	782 336 744	6 051 640	9 031 395	5 629 122	6 389 596	0	809 438 497
Vlera Neto e AAM 2022	767 883 176	7 060 098	34 624 783	5 207 468	26 118 407	0	840 893 933

Shoqëria ka investuar gjatë vitit 2022 për Instalime ne ndërtesë ne shumen 25,143,842 Leke , Makineri dhe pajisje ne shumen 2,404,828 lekë, ka blere **Mjete Transporti** ne shumen 30,632,665 Leke dhe ka shitur Mjete Transporti – pakesimi ne vleren bruto 12,039,998 Leke, Paisje Kompjuterike 1,067,087 lekë, dhe ka blere Paisje Zyre ne shumen 22,560,237 lekë, Shoqeria ka blere dhe shitur gjate vitit 2022 asetete per shitje ne shumen 442,306 leke.

Gjatë vitit 2022 është llogaritur **amortizimi i A.A.Materiale** në shumën 46,960,706 lekë.

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

5.2-Investime ne pjesemarrje

Në bilanc, më 31.12.2022 shoqëria ka raportuar Investime ne pjesemarrje ne shumen 23,970,000 Lek si kontribute per zmadhimin e kapitalit tek shoqerite Info-Telecom Albsolar 1, Info-Telecom Albsolar 2, AMB Construction.

5.3-Aktivitet Afatgjata JoMateriale

Në bilanc, më 31.12.2022 shoqëria ka raportuar Aktive Afatgjata Jomateriale me vlefte neto 2,717,908 Leke

	Në lekë		
	Patenta Licenca	Studime Projektme	Total
Vlera Bruto a AAJM me 31 dhjetor 2021	433 525	1 433 037	1 866 563
Shtesa gjate 2022	356 349	856 934	1 213 283
Vlera Bruto a AAJM me 31 dhjetor 2022	789 874	2 289 972	3 079 846
Amortizimi I Akumuluar 31 Dhjetor 2021	322 487		322 487
Pakesime Amortizimi I Vitit 2022	40 451		40 451
Amortizimi I Akumuluar 31 Dhjetor 2022	362 939		362 939
Vlera Neto e AAM 2021	111 038	1 433 037	1 544 075
Vlera Neto e AAM 2022	426 936	2 289 972	2 716 908

Konçensione, patenta, marka e të ngjajshme; Janë blerë gjatë vitit 356,349 Lekë licenca windows te cilat amortizimi i llogaritur ne shumen 40 151 Leke.

Studime Projektme; Jane blere gjate vitit 2022 ne shumen 856 934 Leke dhe nuk eshte llogaritur amortizim.

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

Gjatë vitit 2022 është llogaritur **amortizimi i A.A.Jo Materiale** në shumën 40 451 lekë.

Paksimi i tyre është rrjedhojë e amortizimit të llogaritur sipas SNRF, në mënyrë lineare.

Shuma Totale e Amortizimit të Aktiveve në Bilancin e vitit 2022 është 47,001,157 Leke;

Per Aktive Afatgjata Materiale në shumën 46,960,706 Leke

Per Aktive Afatgjata Jomateriale në shumën 40,451 Leke.

6 Aktivët Afatshkurtra

Në pasqyrën e Pozicionit Financiar për ushtrimin e mbyllur më datë 31.12.2022, shoqëria ka deklaruar këto aktive afatshkurtra.

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2020
1	Inventarë	171 326 547	131 307 430	0
2	Llogari të arkëtueshme tregtare	1 926 366 969	2 287 695 402	825 749 652
3	Llogari të arkëtueshme të tjera	651 438 783	521 966 171	555 951 788
4	Mjete monetare në arkë dhe bankë	1 660 181 993	399 007 626	503 929 213
5	Te ardhura të llogaritura	425 916 671		
	Totali	4 835 230 962	3 339 976 629	1 885 630 653

6.1-Inventare

Shoqëria ka deklaruar gjëndje inventarësh më 31.12.2022 në shumën 171,326,547 Lek të cilat janë pajisje elektronike sipas Inventarit analitik bashkëngjitur këtyre shënimeve.

6.2-Llogari të arkëtueshme Tregtare

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

Llogaritë e Arkëtueshme Tregtare përbëhen nga të drejtat e arkëtueshme ndaj Klienteve të cilat më datën 31.12.2022 janë 1 926 366 969 lekë.

6.3-Llogari te arkëtueshme e Te Tjera Te arkëtueshme

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2020
3	Llogari të arkëtueshme të tjera	651 438 783	521 966 171	555 951 788
	Totali	651 438 783	521 966 171	555 951 788

Llogaritë e arkëtueshme detajohen si më poshtë:

Nr	Përshkrimi	31-12-2022	31-12-2021
2	Llogari parapagimi	8 384 117	15 711 912
3	Debitorë – personeli		1 342 058
4	Parapagime ne dogane	206 002	2 317 244
5	TVSH e zbritshme	70 817 384	31 503 142
6	Të drejta te tjera te arkëtueshme	572 031 280	471 091 815
	Totali	651 438 783	521 966 171

Të Drejta të Tjera të Arkëtueshme gjëndje më 31.12.2022 në shumën 572,031,280 lekë përbëhen nga Debitorë te tjere.

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

6.4-Mjetet Monetare dhe ekuivalentet e tyre

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2020
5	Mjete monetare në arkë dhe bankë	1 660 181 993	399 007 626	503 929 213
	Totali	1 660 181 993	399 007 626	503 929 213

Shuma 1,660,181,993 lekë e deklaruar më datë 31.12.2022 përfshin këto llogari :

Nr,	Emërtimi	Lekë
1	Mjete monetare ne llogarite bankare te shoqerise	1 650 283 103
2	Mjete monetare ne arke	1 226 426
3	Mjete monetare – garanci bankare	8 672 464
	Totali	1 660 181 993

6.5-Te ardhura te llogaritura

Te ardhura te llogaritura ne shumen 425,916,671 Leke jane fatura sherbimesh por qe i perkasin aktivitetit te vitit 2022 por qe jane konkretizuar dhe leshuar ne vitin 2023 .

7 - Per Kapitalet e veta

Kapitalet e veta te shoqerise te deklaruar ne bilancin date 31.12.2022 jane si vijon :

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

Në lekë

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2019
1	Kapitali aksionar	1 200 000 000	20 000 000	20 000 000
2	Rezerva ligjore	102 810 490	24 338 394	24 338 394
3	Rezerva të tjera	0	608 403 037	286 411 494
4	Fitime/humbje të mbartura	0	0	0
5	Fitime/humbje të ushtrimit	1 046 920 696	650 069 059	321 991 543
	Totali i kapitalit	2 349 731 186	1 302 810 490	330 749 888

Kapitali i Regjistruar nga 20.000.000 lekë qe ishte me 31.12.2021, behet 1,200,000,000 Leke ne 31.12.2022 sipas Vendimit te Asamblese se Pergjithshme te Shoqerise per Zmadhimin e Kapitalit te Shoqerise date 26.11.2022, kjo shume eshte e njejte me ate qe figuron e regjistruar ne Qëndrën Kombetare te Regjistrimit.

Rezerva Ligjore nga 24,338,394 lek qe ishte me 31.12.2021 behet 102,810,490 Lekë ne 31.12.2022

Rezervat e Tjera.nga shuma 608 403 037 Leke behet zero me 31.12.2022.

Fitimi neto i ushtrimit per vitin 2022 eshte 1,046,920,696 Lekë. Fitimi i mbartur nga viti 2021 ne Shumen 650,069,059 Lekë eshte kaluar ne zmadhim te kapitalit te Shoqerise dhe rritje te rezerves ligjore.

8. - Detyrimet afatgjata

Shoqëria ka detyrime afatgjata ne shumen 414 839 845 Leke si me poshte

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2020
1	Detyrime ndaj Institucioneve te kredise	411 799 150	486 059 000	
2	Te tjera te pagueshme Afatgjata	3 040 695	3 940 494	
	Totali	414 839 845	489 999 494	0

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

Detyrime ndaj Institucioneve te kredise ne shumen 411,799,150 Lek eshte pjesa e mbetur ne daten 31.12.2022 e kredise se marre nga Alpha Bank ne vitin 2021

Te tjera te pagueshme Afatgjata ne shumen 3,040,695 Lekë është detyrim i mbetur ne daten 31.12.2022 ndaj Porsche Leasing per blerje mjete transporti.

9. - Detyrimet Afatshkurtra

Detyrimet afatshkurtra detajohen si më poshtë vijon :

Në lekë

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2020
1	Hua afatshkurtra	629 113 212	433 459 214	149 394 840
2	Llogari të pagueshme (furnitorë)	1 709 589 652	1 862 617 117	1 101 497 723
3	Detyrime tatimore	85 079 571	59 527 942	2 794 123
4	Llogari të pagueshme të tjera	2 431 993	2 294 883	1 819 260
5	Llogari parapagimi	354 113	374 356	
6	Shpenzime te llogaritura per fatura te leshuara ne vitin 2023	511 672 229		
	Totali detyrime afatshkurtra	2 938 240 771	2 358 273 513	1 255 505 947

Huatë afatshkurtra përbëhen nga **Overdrafte** të marra nga institucionet bankare.

Te Pagueshme ndaj Furnitoreve më 31.12.2022 janë 1,709,589,652 lekë.

Detyrime Tatimore ne shumen 85 079 571 lekë janë detyrime per Tatim në Burim ne shumen 535,350 Leke i cili është shlyer në muajin pasardhës Janar 2023, dhe detyrim per Tatim fitimin e vitit 2022 ne shumen 84,544,221 lekë i cili ka rezultuar si diference e detyrimit per Tatim Fitimin vjetor sipas Pasqyrave Financiare dhe parapagimeve te kryera gjate vitit 2022.

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

Llogari te Pagueshme te tjera

Shoqëria i ka shlyer tërësisht detyrimet ndaj punonjësve më datën 31.12.2022, ndërkohë që detyrimi ndaj **Sigurimeve shoqerore e shendetesore** 2,431,993 lekë është shlyer në muajin e parë të vitit pasardhës, pasi i përket muajit Dhjetor 2022.

Shpenzime te llogaritura ne shumen 511,672,229 Leke jane blerje sherbimesh te cilat i takojne aktivitetit te vitit 2022 per te cilat jane leshuar fatura ne vitin 2023.

10. -Të ardhura nga aktiviteti i shfrytezimit

Te ardhurat nga veprimtaria kryesore të deklaruara nga shoqëria në Pasqyrën e Performancës për vitin 2022 janë si vijon :

Në lekë

Nr	Përshkrimi	Mbyllur më	Mbyllur më	Mbyllur më
		31-12-2022	31-12-2021	31-12-2020
1	Të ardhura nga aktiviteti i shfrytezimit	28 376 560 830	2 0 144 768 907	14 184 995 193
2	Të ardhura të tjera	67 718 379	27 889 287	14 571 863
3	Autofaturime	17 656 029 029	16 322 152 254	13 680 109 554
	Totali	46 100 308 238	36 494 810 448	27 879 676 611

-Te Ardhura nga aktiviteti i shfrytezimit për vitin financiar 2022 janë deklaruar 28,376,560,830 lekë. Këto të ardhura përbëhen nga :

- Te Ardhura nga **Shitja e Shërbimeve të komunikimeve elektronike** jashtë Shqipërisë (eksport) në shumën 18,773,112,209 lekë.

- Te Ardhura nga **Shitja e shërbimeve të komunikimeve elektronike në territorin e Republikës së Shqipërisë** në shumën 10,006,101 lekë

-Të ardhura nga **Shitje Malli** ne shumen 125,579,346 lekë përbëhen nga shitje pajisje elektronike.

-Të ardhura nga **Shitje Energji elektrike** ne shumen 9,467,863,175 lekë përbëhen nga te ardhura nga aktiviteti i shitblerjes se energjise elektrike.

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

- **Të ardhura nga shitjet e tjera** ne shumen 67 718 379 lekë përbëhen nga te ardhura nga qeraja per godinen qe shoqeria ka ne pronesi ne shumen 39,786,144 Leke, sherbime konsulence teknike&te tjera 20,835,979 lek, Sherbim skedulimi & kamatvonesave per *Aktivitetin e Energjise* 3,641,207 lek dhe te ardhura nga shitja e Aktiveve Afatgjata Materiale ne shumen 3,455,049 Leke.

- **Te ardhura te tjera – kunderparti per blerje me autofature** në shumën 17,656,029,029 lekë janë deklaruar nga shoqëria si Të ardhura të ushtrimit (njëkohësisht edhe në Shpenzime për të njëjtën vlerë). Këto autofaturime janë të dokumentuara me fatura tatimore të lëshuara nga vetë shoqëria për blerje sherbimesh jashte vendit, sipas rregullave fiskale. Sipas këtyre rregullave Autofatura duhet të regjistrohet si në Librin e Blerjeve ashtu edhe në Librin e Shitjeve.

Shifra e Afarizmit për vitin 2022 është deklaruar në shumën 46,100,308,238 lekë.

11. - Shpenzime te Shfrytezimit

Shpenzimet për **veprimtarinë kryesore** te deklaruar nga shoqeria INFO-Telecom shpk, ne Pasqyrën e Performancës date 31.12.2022, rezultojne si vijon:

Në lekë

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2020
1	Mallra dhe sherbime te konsumuara	(26 889 506 069)	(19 197 761 789)	(13 682 698 245)
2	Autofaturime per sherbime te konsumuara	(17 656 029 029)	(16 322 152 254)	(13 680 109 554)
3	Kosto e punës	(95 692 055)	(85 914 013)	(77 376 887)
4	Zhvlerësimi dhe amortizimi	(47 001 157)	(21 946 802)	(5 071 703)
5	Shpenzime të tjera	(95 052 048)	(71 605 379)	(55 167 831)
	Totali	(44 783 280 357)	(35 699 380 237)	(27 500 424 221)

11.1 – Mallra dhe Sherbime te konsumuara ne shumen 26,889,506,069 janë deklaruar si me poshte

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

- **Kosto per sherbime telekomunikimi** ne shumen 18,178,516,351 Leke
- **Kosto e mallit te shitur (Pajisje elektronike)** ne shumen 116,728,508 Leke
- **Kosto e Energjise Elektrike te shitur** ne shumen 8,594,261,209 lekë

Për shërbimet e blera jashtë vendit, përveç faturave të lëshuara nga furnitorët, shoqëria ka lëshuar Autofatura per shërbime te konsumuara në çdo rast.

Ashtu si për Të Ardhurat, edhe në Shpenzimet e deklaruar në Pasqyrën e Performances Financiare të shoqërisë janë deklaruar në shumën 17,656,029,029 lekë, **Autofatura** të lëshuara për blerjet e shërbimeve te komunikimeve elektronike jashtë Republikës së Shqipërisë.

11.2 - Kosto e punës 95,692,055 lekë përbëhet nga Shpenzimet **për Pagat e Personelit** 85,939,865 lekë nga te cilat jane 6,035,269 leke paga te punonjesve per aktivitetin e energjise dhe shpenzimet për **Sigurimet Shoqerore e Shendetsore** 9,752,190 lekë nga te cilat jane 807,098 leke sigurime shoqerore dhe shendetesore te punonjesve per *Aktivitetin e Energjise*. Numri i të punësuarve në fund të vitit 2022 është 47 nga 47 persona që ishin në vitin e kaluar.

11.3 - Amortizimi i Aktiveve Afatgjata 47,001,157 lekë është llogaritur me normat dhe menyrat qe përcakton ligji "fiskal" Për tatimin mbi të ardhurat", i ndryshuar.

11.4 - Shpenzime të tjera te shfrytezimit 95,052,048 lekë janë të klasifikuara e të analizuara si në pasqyrën që vijon:

Përshkrimi	Lekë
Blerje per zyren	2 227 521
Blerje energji,uje	3 678 914
Blerje karburanti	3 319 400
Qera Pajisje	60 000
Personel jashte njesise	24 261 168
Qera ambienti	13 926 007
Mirembajtje dhe riparime	4 294 558
Sherbime nga te Trete	4 801 314
<i>Shpenzime rregullimi Enti Rreg.Energjise (Aktiviteti i Energjise)</i>	820 542
Sigurime	1 608 726
Shpenzime pritje	630 341
Udhetim dieta	17 220 943
Sherbime postare&telekomunikimi	2 898 029
Abonime njoftime ne shtyp	666 330
Sherbime bankare	8 439 272

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

Taksa tarifa vendore	112 500
Taksa tarifa doganore	227 387
Taksa Regjistrimi	104 000
Rivleresime tatimore Akt kontrolli-shp.te pazbritshme	485 531
Transport per shitjet	284 160
Shpenzime te tjera korente	1 061 496
Shpenzime te pazbritshme	89 084
Kosto e AAM te shitura	3 834 825
Totali	95 052 048

Për honoraret dhe pagesat e qerase është mbajtur tatimi në burim dhe është shlyer rregullisht sipas deklarimeve të bëra.

12. – Te ardhura dhe shpenzime financiare

Shoqëria ka deklaruar edhe të ardhura të tjera si vijon :

Në lekë

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2020
1	Interesa Neto	(53 969 368)	(19 238 221)	(5 662 331)
2	Këmbimi valutor neto	(31 204 039)	(11 210 865)	5 223 521
3	Të tjera Të ardhura (+) shpenzime(-)			
	Totali	(85 173 407)	(30 449 086)	(438 810)

Vlera Neto e kembimeve valutore ne shumen 31,204,039 Leke ka rezultuar negative ne rritje të shpenzimeve per shkak te efekteve te uljes se ndjeshme te kurseve te kembimit.

Interesa Neto ne shumen 53,969,368 Leke jane Interesat bankare në shumën 53,762,042 lek te cilat jane te paguara nga shoqëria për overdraftet e marra ne institucionet financiare, interesa kredie dhe interesa te

Shënime mbi pasqyrat financiare për vitin e mbyllur më 31 Dhjetor 2022

(Vlerat në lekë)

paguara për makina të marra me leasing në shumën 210,644 leke duke i zbritur vlerën e interesave kreditore në shumën 3,318 Leke.

13. – Rezultati Financiar

Nga analiza dhe rishikimi analitik i **Rezultatit Financiar** për 3 vitet e fundit, duke përfshirë edhe Autofaturimet kemi këto të dhëna :

Lekë

Nr	Përshkrimi	Mbyllur më 31-12-2022	Mbyllur më 31-12-2021	Mbyllur më 31-12-2020
1	Të ardhurat nga shitjet	46 100 308 238	36 494 810 448	27 879 676 611
2	Shpenzimet operative	(44 783 280 357)	(35 699 380 238)	(27 500 424 221)
3	Fitimi operativ (1+2)	1 317 027 881	795 430 211	379 252 390
4	Të ardhura/shpenzime financiare	(85 173 407)	(30 449 086)	(438 810)
5	Fitimi para tatimit (3+4)	1 231 854 475	764 981 125	378 813 580
6	Shpenzime të pazbritshme	1 037 383	1 099 314	0
7	Fitimi I tatueshëm (5+6)	1 232 891 857	766 080 438	378,813,580
8	Shpenzim Tatim Fitimi (7*15%)	(184 933 779)	(114 912 066)	(56 822 037)
9	Fitimi Neto (5-8)	1 046 920 696	650 069 059	321 991 543
10	Të ardhura të tjera gjithpërfshirë	0	0	0
11	Total të ardhura gjithpërfshirë	1 046 920 696	650 069 059	321 991 543

- **Fitimi para tatimit** në vlerën 1,231,854,475 lekë. Shoqëria ka llogaritur shpenzime të pazbritshme në shumën 1,037,383 Leke të cilat janë rivlerësime tatimore, blerje dhurata, etj.

- **Fitimi i Tatueshëm** është në shumën 1 232 891 857 lekë dhe mbi këtë bazë është llogaritur dhe **Tatimi mbi Fitimin** në shumën 184 933 779 lekë.

14 - Manaxhimi i riskut financiar

Detyrimet financiare kryesore të Shoqërisë përbëhen nga llogaritë e pagueshme dhe të tjera detyrime. Qëllimi kryesor i këtyre detyrimeve financiare është të financojnë operacionet e Shoqërisë dhe të sigurojnë garanci për mbështetjen e operacioneve. Shoqëria ka hua, llogari të arkëtueshme, mjete monetare dhe

depozita afatshkurtra që sigurohen drejtpërdrejtë nga operacionet e saj. Shoqëria është e ekspozuar ndaj riskut të tregut, riskut të kreditit dhe riskut të likuiditetit.

Manaxhimi i lartë i Shoqërisë mbikqyr manaxhimin e këtyre risqeve.

15- Transaksionet me palët e lidhura

Shoqëria nuk ka probleme me palët e lidhura.

Risku i tregut

Risku i tregut është risku që vlera e drejtë e flukseve monetare të ardhshme të një instrumenti financiar do të variojë për shkak të ndryshimeve në çmimet e tregut. Çmimet e tregut përfshijnë katër lloje risqesh: risku i normës së interesit, risku i kursit të këmbimit, risku i çmimit të mallrave dhe risqe të tjera të çmimeve, të tilla si risku i çmimit të kapitalit. Instrumentat financiar të prekur nga risku i tregut përfshijnë huatë, kreditë dhe depozitat.

Risku i kreditit

Risku i kreditit është risku që një palë tjetër nuk do të jetë në gjendje të paguajë detyrimet e saj që rrjedhin nga një instrument financiar ose marrëveshje klienti, duke çuar kështu në një humbje financiare. Shoqëria është e ekspozuar ndaj riskut të kreditit për shkak të aktiviteteve operacionale të saj (pikë së pari prej llogarive të arkëtueshme) dhe prej aktiviteteve të saj financuese, që përfshijnë depozitat me bankat dhe institucionet financiare, transaksionet në monedha të huaja dhe instrumenta të tjerë financiare.

Risku i kreditit është i kufizuar në vlerën kontabël të aktiveve financiare në datën e raportimit.

Risku i Likuiditetit

Risku i likuiditetit është risku që Shoqëria mund të mos jetë në gjendje të paguajë detyrimet e saj të lidhura me detyrimet financiare në momentin e pagesës. Risku i likuiditetit është risk i qenësishëm në biznesin e Shoqërisë pasi disa aktive specifike të blera apo detyrime të shitura mund të kenë karakteristika likuiditeti që janë specifike. Nëse Shoqërisë do ti duhet të ketë shuma të mëdha në një afat të shkurtër kohor që tejkalon kërkesat normale për mjete monetare mundet që të ndeshet me vështirësi për të siguruar çmime konkurruese. Shoqëria manaxhon riskun e likuiditetit duke monitoruar në mënyrë të vazhdueshme parashikimet dhe flukset monetare aktuale dhe duke u munduar të përputhë profilet e maturitetit të aktiveve dhe detyrimeve.

16- Vlera e drejtë e instrumentave financiare

Instrumentat financiar përfshijnë aktivet dhe detyrimet financiare. Aktivet financiare përbëhen nga gjendja e llogarive në bankë dhe të arkëtueshmet. Detyrimet financiare përbëhen nga të pagueshmet. Vlera e drejtë e aktiveve dhe detyrimeve financiare përfshihet në shumën në të cilën instrumenti mund të shkëmbëhet në një transaksion mes palëve të gatshme, dhe jo të detyrueshme të në një proces likuidimi ose shitje. Vlerat e drejta të të gjitha aktiveve financiare të shoqërisë përfaqësojnë vlerat e tyre kontabël kryesisht për shkak të maturimit afatshkurtër të këtyre instrumentave.